

Protokoll

Regionrådet Nordhordland – onsdag 1. desember

Møte: 4-2021
Tid: Onsdag 1. desember kl. 11:00 – 14:30
Stad: Region Nordhordland Helsehus, kunnskapssenter, møterom Nordhordland / Mongstad

Til stades:

Ordfører:	Sara Sekkingstad (Alver), Per Lerøy (Austrheim), Stian Herøy (Fedje), Hallvard Oppedal (Gulen), Karstein Totland (Masfjorden), Kjetil Eikefet (Modalen), Lars Fjeldstad (Osterøy), Hege Eide Vik (Vaksdal)
Rådmenn:	Ørjan Raknes Forthun (Alver), Bjørnar Fjellhaug (Austrheim), Gjermund Hagesæter (Fedje), Reidun Halland (Gulen), Svein Helge Hofslundsengen (Masfjorden), Jo Bjarte Tømmerbakke (Modalen), Ingvild Hjelmtveit (Osterøy), Atle Fasteland (Vaksdal)
Adm:	Bent Gunnar Næss (referent)
Andre:	Sak 35/21: Anne Hildegunn Færøy Sak 38/21: Andreas Kolås Sak 41/21: Kari Evensen Natland og Kjersti Isdal
Forfall:	Rune Heradstveit

Sak 33/21	Godkjenning, møteinnkalling og saksliste Vedtak: Møteinnkalling og saksliste vart godkjent utan merknadar.
Sak 34/21	Godkjenning protokoll møte 3-2021 Vedtak: Møteprotokoll frå møte 3-2021 vart godkjent utan merknadar.
Sak 35/21	Orientering om arbeidet med Helsefellesskap og Digital samkonsultasjon (presentasjon vedlagt). Anne Hildegunn Færøy orienterte om arbeidet med Etablering av Helsefellesskap i Helse Bergen føretaksområde og om prosjekt «Digital samkonsultasjon». Etablering av Helsefellesskap byggjer på avtale mellom Regjeringa og KS frå 2019: <i>«Et hovedgrep i Nasjonal helse- og sykehusplan 2020-2023 er å opprette 19 helsefellesskap. Disse skal bestå av helseforetak og kommunene i opptaksområdet. Representanter fra helseforetak, tilhørende kommuner, fastleger og brukere vil møtes for å planlegge og utvikle tjenestene sammen. Barn og unge, alvorlig psykisk syke, pasienter med flere kroniske lidelser og skrøpelige eldre skal prioriteres.»</i> Prosjekt Digital samkonsultasjon er eit samarbeidsprosjekt mellom kommunale helse- og omsorgstenester og spesialisthelsetenesta 2022 - 2024 der ein ynskjer å bruka digital samkonsultasjon som metode og verktøy for å betra samhandlinga i helsetenesta, og gje tilbod om helsetenester nærare der pasienten bur.

	Målet er at dette skal: ▪ Gje innbyggjarane i Region Nordhordland betre helsetilbod og bringa spesialisthelsetenesta nærare der pasientane bur. ▪ «Grøn helse»: mindre transport av pasientar, redusera kostnader og miljøavtrykk ▪ Redusere belastninga for pasient og pårørende med lang reiseveg ▪ Kunnskapsdeling og fagleg samarbeid mellom fagressursar i spesialisthelsetenesta og kommunehelsetenesta Vedtak: Regionrådet tok orienteringa til vitande.
Sak 36/21	Orienteringar frå diverse utval / styre: Per Lerøy orienterte frå styret i Visit Bergen. Regionrådet har medlem (Per Lerøy) i styret i 2020-21, og Øygarden kommune har varamedlem. I 2022-23 vil det vera omvendt. Lerøy meiner at styret fungerer godt og at det er gjort gode val i koronaåret med m.a. fulldigitalisering av resepsjonen i Bergen. Bodskapen er å gjera seg mest mogleg nytte av den kompetanse og kunnskap som Visit Bergen. Det vert m.a. jobba med å få opp skjermar ute i regionen som kan spegla det som Visit Bergen viser i turistinformasjonen, og å få synleggjort fleire reisemål i regionen. Lerøy meiner at det regionen betaler inn til Visit Bergen kan ein få tilbake på ein god måte, men det er viktig at ein får synleggjort reisemåla. Det er og viktig at reiselivsaktørane i Nordhordland gjer sin del av jobben. Sara Sekkingstad stilte spørsmål om regionen får nok igjen for det me betaler inn, Alver betalar inn litt over 400 000 kr. Alver har invitert Visit Bergen til å koma å orientera om kva dei kan tilby, og korleis ein kan få meir igjen for pengane. Fleire påpeika at det er viktig at regionen, kommunane og reiselivsaktørane sjølve, tar initiativ til å finna, utvikla og få fram gode reisemål. Atle Fasteland meinte at Visit Bergen må utviklast saman med oss. Mykje av regionen ligg ei dagsreise vekk frå Bergen, me må derfor få på plass dagpakker og nytta ut det potensiale det gir. Visit Bergen vil vera viktig for oss framover. Lars Fjeldstad er samd i at ein kan få meir igjen for avtalen med Visit Bergen. Visit Bergen bør inviterast til Regionrådet for å få gje ei ny orientering. Visit Bergen kan ikkje gjera alt for oss, så me må finna ei klar arbeidsfordeling. Osterøy er i ferd å byggja opp ei merkevare, og Visit Bergen vil vera ein formidlar av ulike tenester. Det er pengar og korttransaksjonar som vil vera målet på om reiselivssatsinga er suksess eller ikkje. Hallvard Oppedal viste til at kommunen tidlegare var med i FjordKysten, og at dette medlemsskapet kosta meir enn det ein betalar inn til Visit Bergen. Det er viktig med litt tolmod med Visit Bergen, regionen / kommunane må ikkje byggja samarbeidet ned no, det tek tid å byggja opp eit reisemål. Kjetil Eikefet meinte regionen må fortsetja med samarbeidet, men at ein sjølve også må leggja inn innsats og ressursar i det. Samarbeid mellom kommunane er viktig – saman har kommunane ein unik pakke. Stian Herøy viste til gode erfaringar med Visit Bergen. Det er utfordrande å få nok pengar igjen, men me må få på plass ulike aktivitetar. Overnattingsgjester legg ier det vil vera mest pengar med. Atle Fasteland meiner at overnatting og pengetransaksjonar er viktig. Folk vil også kome meir individuelt etter kvart, ikkje berre i grupper. Regionen må unna kvarandre vel.

	Per Lerøy peika på regionen sin Unesco status, og at dette må brukast aktivt. Styringsgruppa Invest in Bergen (presentasjon vedlagt) Karstein Totland orienterte frå styringsgruppa. Programmet er finansiert av Vestland fylkeskommune og 17 kommunar. Kommunane betalar 4 kr pr. innbyggjar og fylkeskommunen det same. Årleg budsjett er om lag 3,5 NOK. Invest in Bergen er på servicesida, og har bidrag veldig i regionen siste året, bl.a. i samband med saka om manglande kraftforsyning til regionen. Styret i Museumssenteret i Hordaland Sara Sekkingstad sit på vegne av Regionrådet i styret for Museumssenteret og orienterte om aktuelle saker derifrå. Økonomien er litt krevjande. Det vart tatt opp i møtet korleis Museumssenteret kan profilera Nordhordland betre. Sara Sekkingstad tar dette med tilbake til styret. Styret i Stiftinga Kystsogevakene Sara Sekkingstad sit på vegne av Regionrådet i styret i stiftinga Kystsogevakene og orienterte om aktuelle saker derifrå. Styret i Kystvegen Ålesund - Bergen Karstein Totland sit på vegne av Regionrådet i styret i Kystvegen Ålesund - Bergen. Kystvegen Ålesund - Bergen jobbar for samanhengande veg langs kysten. Folk bur langs kysten og er knytt til lokalsamfunna langs kysten. Det vert arrangert ein konferanse i året.
Sak 37/21	Kraftsituasjonen i Nordhordland Kraftsituasjonen i Nordhordland vart diskutert. Manglande forsyningskapasitet er alvorleg for regionen med tanke på grøn omstilling og nyetablering. Dette er tema i mange fora, m.a. i Grøn Bergensregion. Men det er ikkje berre Nordhordland som manglar straum, det gjeld og mange andre stader i landet, og det er derfor stor konkurranse om å få meir forsyning. Regionen har ikkje anna å gjera enn å trykkja på mange kanalar. Vedtak: Regionrådet tok saka til vitande.
Sak 38/21	Status Nordhordlandspakken Andreas Kolås, Vestland fylkeskommune orienterte om status i Nordhordlandspakken pr. 1. desember. Vegprosjektet Marås - Soltveit er no kome godt i gong. Prosjektet skal vera ferdig 30. april 2024. Han gav vidare status for planlegging av dei andre prosjektet som ligg fram i tid. Sjå presentasjon: https://storymaps.arcgis.com/stories/e8fa33322b8146c79645bffd816b569e Vedtak: Regionrådet tok orienteringa til vitande.
Sak 39/21	E39 Vågsbotn – Klauvaneset Siste status vedr. E39 Vågsbotn – Klauvaneset vart drøfta, m.a. i lys av den siste tidas diskusjon i Bergen om bybanen til Åsane skal gå om Bryggen eller i tunnel, og kva konsekvensar dette kan gje for andre samferdsleprosjekt i Bergensområdet. Vedtak: Regionrådet tok saka til vitande.
Sak 40/21	Interkommunal plan for sjøareal i Region Nordhordland (presentasjon vedlagt) Bent Gunnar Næss orienterte om status for prosjektet. Vedtak: Regionrådet tok orienteringa til vitande.

Sak 41/21	Nordhordland Unesco biosfæreområde (presentasjonar vedlagt) Kari Evensen Natland orienterte om Nordhordland Unesco biosfæreområde og status for økonomi, arbeidet med nyhendebrev, nettsider, ambassadørprogram, kontaktpersonar i kommunane og ulike prosjekt. Kjersti Isdal orienterte om arbeidet som er sett i gong med forprosjekt «Handverksruta». Målet med ei handverksruta er å skapa unike, berekraftige kulturopplevingar, og på same tid bidra til auka verdiskaping for lokale produsentar på lokale produkt, som handverk, kunst og mat. Prosjektet har fått støtte frå Vestland fylkeskommune. Vedtak: Regionrådet tok orienteringane til vitande.
Sak 42/21	Eventuelt Legevakt / ØHD Ørjan Raknes Forthun orienterte om at Alver som vertskommune kjem til å seia opp avtalane ved Legevakt og ØHD. Orientering om dette vart gitt i Administrativ nemnd for Nordhordland legevakt sist veke. Oppseiing av avtalen om legevakt skuldast at Fedje har meldt seg ut, det er derfor behov for å revidera avtalen. Ein vil samstundes starta eit arbeid med å sjå på kvaliteten til tenestene. Det er store avstandar i regionen, og det er viktig å sikra at ein har eit fagleg forsvarleg tilbod til alle. Når det gjeld drift av ØHD, så er det for dyrt å driva denne avdelinga slik det er organisert no. ØHD har 6 senger som nyttast for lite, og drifta kostar årleg 15 mill. kr. T.d. kostar dette Alver 8 mill. kr. Dette er fire gonger meir enn kva ein sjukeheims plass kostar, og det er og dyrare enn ei seng på sjukehus. Kostnaden er for høg, og ein må sjå på alternative måtar å gjera dette på. Det er kommunane som skriv inn pasientantar til ØDH, ein ser at nokre legar brukar dette lite, og dei fleste innleggingane kjem frå legevakta. Utfordringane med sengene er at dei ikkje er lagt inn i system / rutinar, og pasientane vert enten sendt tilbake til institusjon, heim eller blir verande på sjukehuset. Det er gjort tiltak for å auka innleggingane utan at dette har resultert i noko grad. Ein må finna ein modell som sikrar at ein løyser tilbodet på ein god måte med tanke på kvalitet og økonomi. Dette må utgreiast og arbeidet må gjerast i 2022. I dette arbeidet må ein starta med blanke ark.

Knarvik, 1. desember 2021



Karstein Totland
Leiar
Regionrådet Nordhordland

Rune Heradstveit
Dagleg leiar
Region Nordhordland IKS

Vedlegg:

- Sak 35/21: Presentasjon - Helsefelleskap og Digital samkonsultasjon
- Sak 36/21: Presentasjon - Invest in Bergen
- Sak 40/21: Presentasjon - status Interkommunal plan for sjøareal
- Sak 41/21: Presentasjon - Handverksruta
- Sak 41/21: Presentasjon - status Nordhordland Unesco biosfæreområde